

19.02.2021թ.

ք. Երևան

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՈՐՈՇՈՒՄ թիվ 000973 /09
ՎԱՐՉԱԿԱՆ ՎԱՐՈՒԹՅՈՒՆ ՎԵՐՍԿՍԵԼՈՒ ԵՎ
ԿԱՐՃԵԼՈՒ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Արման Մնացականյանս, քննելով վարչական իրավախախտման վերաբերյալ թիվ 973 գործը,

ՊԱՐԶԵՑԻ

«ՎԻԷԼՎԻ ՍԵՆԹՐ» ՍՊԸ-ի տնօրեն Վաղինակ Հովհաննեսյանը (ՀՎՀՀ՝ 02235463, հասցե՝ ք. Երևան, Շենգավիթ, Նորագավիթ 1 փող. 23/1) 15.11.2020թ.-ին ներմուծման հարկային հայտարարագիրը և ներմուծման հայտարարությունը «Հայաստանի Հանրապետության և Եվրասիական տնտեսական միության անդամ պետությունների միջև անուղղակի հարկերի հաշվարկման և վճարման առանձնահատկությունների մասին» ՀՀ օրենքի 8-րդ հոդվածով սահմանված ժամկետում չի ներկայացրել հարկային մարմին, որի համար նախատեսված է վարչական պատասխանատվություն համաձայն Վարչական իրավախախտումների վերաբերյալ ՀՀ օրենսգրքի 169¹ հոդված 2-րդ մասի:

Պատշաճ ծանուցված լինելով արձանագրության կազմման, գործի քննության վայրի և ժամանակի մասին, ակտի հասցեատերը ներկայացրել է դիմում առ այն, որ 15.11.2020 թվականին իրենց ընկերության անունով օդային ճանապարհով Ռուսաստանի Դաշնությունից հետ է ստացվել մատակարար կազմակերպության լիազոր կենտրոնի կողմից վերանորոգված ապրանք համաձայն «ՎԻԷԼՎԻ ՍԵՆԹՐ» ՍՊԸ-ի և «ՍՈՆԻ ԷԼԵԿՏՐՈՆԻԿՍ» բաժնետիրական ընկերության միջև 01.03.2016թ. կնքված պայմանագրի դրույթների: Սպասարկման կենտրոնի կողմից դուրս գրված ինվոյսում պայմանականորեն նշվել է նաև ապրանքների բաց թողման գները, որոնք ընկերության կողմից վճարման ենթակա չեն:

Գործի քննության ընթացքում կատարված ուսումնասիրությունների արդյունքում պարզ է դարձել, որ «ՎԻԷԼՎԻ ՍԵՆԹՐ» ՍՊԸ-ի տնօրեն Վաղինակ Հովհաննեսյանի կողմից 15.11.2020թ.-ին ներմուծում չի իրականացվել, հետևաբար վերջինս հարկային հայտարարագիր և ներմուծման հայտարարություն ներկայացնելու պարտավորություն չի կրում:

Ելնելով վերոգրյալից և հիմք ընդունելով այն հանգամանքը, որ սույն գործով բացակայում է իրավախախտման դեպքը, ուստի ղեկավարվելով Վարչական իրավախախտումների վերաբերյալ ՀՀ օրենսգրքի 32, 244², 281 հոդվածներով, 247-րդ հոդվածի 1-ին մասով և 282-րդ հոդվածի 2-րդ կետով,

ՈՐՈՇԵՑԻ

Վաղինակ Հովհաննեսյանի վերաբերյալ հարուցված թիվ

վարչական վարույթը կարճել:

ՀՀ ՊԵԿ ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

(Handwritten signature)



Վ. ՄՆԱՑԱԿԱՆՅԱՆ